

四庫全書

集部

欽定四庫全書

白蓮集卷六

唐 釋齊己 撰

寄東林言之禪子

閒思相送後幽院閉苔錢使我吟
還廢聞君病未痊聽
秋惟困坐怕客但佯眠可惜東
牕月無寥過一年

寒節日寄鄉友

歲歲逢寒食寥寥古寺家
踏青思故里垂白看楊花原

野稀疎雨江天冷澹霞滄浪與湘水歸恨共無涯

聞西蟾從弟卜巖居嶽西有寄

瀑布見高低巖開巖壁西碧雲多舊作紅葉幾新題滴
瀝中疎磬嵌空半倚梯仍聞樵子徑總不到前溪

寄懷西蟾師弟

蟾師有萬里八九月
一身西北風之句

萬里八九月一身西北風自從相示後長記在吟中見
說南遊遠堪懷我姓同江邊忽得信迴到岳門東

撲滿子

祇愛滿我腹爭知滿害身到頭須撲破却散與他人

寄西川惠光大師曇域

禪月有名子相知未曾筆精垂壁溜詩澀滴杉水蜀
國從栖泊蕪城幾廢興憶歸應寄夢東北過金陵

憶別匡山寄彭澤乾畫上人

憶別匡山日無端是遠遊却迴看五老翻悔上孤舟
踏三千里蹉跎二十秋近來空寄夢時到虎溪頭

又寄彭澤畫公

聞君彭澤住結構近陶公種菊心相似嘗茶味不同湖
光秋枕上嶽翠夏牕中八月東林去吟香齒昔風

因覽支使孫中丞看可準大師詩序有寄

一千篇裏選三百首菁英玉尺新量出金刀舊剪成錦

江增古翠仙掌減元精

準公曾以詩道訪
司空圖於華下

自此為風格

留傳諸後生

新秋病中枕上聞蟬

枕上稍醒醒忽聞蟬一聲此時知不死昨日即前生更

欲臨牕聽猶難策杖行尋應同蛻殼重飲露華清

寄雲蓋山先禪師

曾尋湘水東古翠積秋濃長老禪栖處半天雲蓋峯閑
牀饒得石雜樹少於松近有誰堪話瀏陽妙指蹤

落葉

落多秋亦晚牕外見諸隣世上誰驚盡林間獨掃頻蕭
騷微月夜重疊早霜晨昨日繁陰在鶯聲樹樹春

次耒陽作

遠岳復沿湘衡陽又耒陽不堪思北客從此入南荒
旦夕多猿狖淹留少雪霜因經杜公墓惆悵學文章

舟中晚望祝融峯

天際卓寒青舟中望晚晴十年闕夢寐此日向崢嶸
巨石凌空黑飛泉照野明終當躡孤頂坐看白雲生

弔杜工部墳

鵬翅躡於斯明君知不知域中詩價大荒外土墳卑瘴
雨無時滴蠻風有穴吹唯應李太白魂魄往來疲

嶽中寄殷處士

出岳與入岳前題繼後題
遍尋僧壁上多在雁峯西
近說遊江寺將誰話石梯
相思立高嶽山下草萋萋

送幽禪師

霜繁野葉飛長老卷行衣
浮世不知處白雲相待歸
磬和天籟響禪動岳神威
莫便言長往勞生待發機

燒

獵獵寒蕪引承風勢不還放
來應有主焚去到何山
焰

入空濛裏煙飛莽蒼間石中有良玉惆悵但傷顏

詠茶十二韻

百草讓為靈功先百草成甘傳天下口貴占火前名出
處春無雁叔時谷有鶯封題從澤國貢獻入秦京
覲覺精新極嘗知骨自輕妍通天柱響摘遶蜀山
明賦客秋吟起禪師晝卧驚角開香滿室爐動綠
凝鏘晚憶涼泉對閑思異果并松黃乾旋泛雲
母滑隨傾頗貴高人寄尤宜別置盛曾尋修事
法妙盡陸先生

寄陽岐西峯僧

西峯殘照東瀑布
洒冥鴻閑憶高
牕外秋晴萬里空
藤陰藏石磴衣毳
落杉風日有誰來
覓層層鳥道中

迴鴈峯

瘴雨過孱顏危邊
有徑盤壯堪扶壽
岳靈合置仙壇影
北鴻聲亂青南客
道難他年思隱遁
何處憑闌干

贈詢公上人

威儀何貴重一室
貯水清終日松杉
徑自多蟲蟻行像

前孤立影鐘外數珠聲知悟修來事今為第幾生

秋興

所見背時情閒行亦獨行晚涼思水石危閣望崢嶸雨
外殘雲片風中亂葉聲舊山吟友在相憶夢應清

古寺老松

百歲禪師說先師指此松小年行道遠早見偃枝重月
檻移孤影秋亭卓一峯終當因夜電拏攫便雲龍

題無余處士書齋

閑地從莎蘚誰人愛此心琴碁懷客遠風雪閉門深枕
外江灘響牕西樹石陰他年衡岳寺為我一相尋

歲暮江寺住

山衣枯槁容何處見年終風雪軍城外薰葭古寺中孤
村誰認磬極浦夜鳴鴻坐憶匡廬隱泉聲滴半空

新燕

棲託近佳人應憐巧語新風光華屋暖絃管牡丹宸遠
采江泥膩雙飛麥雨勻差池自有便敢觸杏梁塵

喻吟

日用是何專吟疲即坐禪此生還可喜餘事不相便頭
白無邪裏魂清有象先江花與芳草莫染我情田

過湘江唐宏書齋

四隣無俗跡終日大開門水晚來邊鴈林秋下楚猿一
家隨難在雙眼向書昏况近騷人廟吟應是古魂

讀賈島集

遺篇三百首首首是遺寃知到千年外更逢何者論離

秦空得罪入蜀但聽猿還似長沙祖惟餘賦鵬言

寄山中諸友

自歸城裏寺長憶宿山門終夜冥心客諸峯叫月猿嵐
先生眼力泉滴與吟魂只待遊方遍還來掃樹根

懷終南僧

擾擾二京塵何門是了因萬重千疊嶂一去不來人烏
道春殘雪蘿龕晝定身寥寥石牕外天籟動衣巾

送二友生歸宜陽

二生俱我友清苦輩流稀舊國居相近孤帆秋共歸殘
陽沙鳥亂疎雨島楓飛幾宿多山處猿啼燭影微

懷從弟

孤牕燭影微何事阻吟思兄弟斷消息山川長路歧月
沉栖鶴鳴霜著叫猿枝可想為懷抱多愁多難時

岳陽道中作

客思尋常動未如今斷魂路歧經亂後風雪少人村大
澤鳴寒雁千峯啼晝猿爭教此時白不上鬢鬚根

赴鄭谷郎中招遊龍興觀讀題詩板謁七真儀像

因有十八韻

何處陪遊勝龍興古觀時詩懸大雅作殿禮七真儀遠
繼周南美彌旌拱北思雄才垂朴畧後輩仰箴規對坐
茵花暖偕行蘚陣叢僧條初學結朝服久慵披到處琴
碁傍登樓筆硯隨論禪忘視聽談老極希夷照日江光
遠遮軒檜影歌觸鞋松子響窺立鶴雛癡始貴茶巡爽
終憐酒散遲放懷還把杖憩石或搗頤眺遠凝清眇吟

高動白髭風鵬心不小
蒿雀志徒卑顧我專無作於身
忘有為叨因五字解每忝重言期
捨此應休也何人更賞之淹留
仙境晚迴騎雪風吹

書李秀才壁

干戈阻上書南國寄貧居
舊里荒應盡新年病未除
牕風連島樹門逕接隣
蔬我有閑來約相看雪滿殊

聞尚顏下世

岳僧傳的信聞在麓山
亡郡有為詩客誰來弔
影堂夢

休尋灞澨跡已絕
瀟湘遠憶同吟石
新秋檜栢涼

薔薇

根本似玫瑰繁英刺外開
香高藜有架紅落地多苔去
住閒人看清明遠蝶來牡丹先
幾日銷歇向塵埃

送隆公上人

獨携譚柄去千里
指人寰未斷生徒望
難教白日閒空
江橫落照大府向西山
好騎陳那孔誰云劫石頑

宿簡寂觀

萬壑雲霞影千年松檜聲如何教下士容易信長生月
共虛無白香和沆瀣清閑尋古廊畫記得列仙名

遇元上人

七澤過名山相逢黃落殘杉松開寺晚泉月話心寒祖
遍諸方禮經曾幾處看應懷出家院熬閣近長安

早梅

萬木凍欲折孤根暖獨迴前村深雪裏昨夜一枝開風
遞幽香去禽窺素艷來明年猶應律先發映春臺

聽泉

落石幾萬仞，遠聲飄冷空。
高秋初雨後，半夜亂山中。
只有照壁月，更無吹葉風。
幾曾廬岳聽，到曉與僧同。

送孫逸人歸廬山

獨自擔琴鶴，還歸瀑布東。
逍遙非俗趣，楊柳謾春風。
草遶村程綠，花盤石磴紅。
他時許相覓，五老亂雲中。

聽李尊師彈琴

仙子弄瑤琴，仙山松月深。
此聲含太古，誰聽到無心。
洒

石霜千片歎崖泉萬尋何人傳指法携向海中岑

寄武陵微上人

善卷臺邊寺松筠遶祖堂秋聲度風雨曉色遍滄浪白石同誰坐清吟過我狂近聞為古律雅道更重光

匡山寓居栖公

外物盡已外閑遊且自由好山逢過夏無事住經秋樹影殘陽寺茶香古石樓何時定休講歸漱虎溪流

湘西道林寺陶太尉井

太尉遺孤井寒澄七百年未聞陵谷變終與姓名傳影
浸無風樹光含有月天林僧曉來此滿汲洒金田

寄松江陸龜蒙處士

萬卷功何用徒稱處士休閑歌太湖石醉聽洞庭秋道
在誰開口詩成自點頭中間欲相訪尋便阻戈矛

閉門

外事休關念灰心獨閉門無人來問我白日又黃昏燈
集飛蛾影牕銷迸雪痕中心自明了一句祖師言

看水

范蠡東浮闊靈均北泛長誰知遠煙浪別有好思量故
國門前急天涯棹裏忙難收上樓興渺漫正斜陽

寄栖白上人

萬國爭名地吾師獨此閒題詩招上看雪下南山內
殿承恩久中條進表還常因秋貢客少得掩禪關

自題

禪外求詩妙年來鬢已秋未曾將一字容易謁諸侯挂

夢山皆遠題詩石盡幽敢言梁太子傍采碧雲流

孫支使來借詩集因有謝

冥搜從少小隨分得淳元聞說吟僧口多傳過蜀門相
尋江島上共看夏雲根坐落遲遲日新題互把論

夏日言懷

苦被流年迫衰羸老病情得歸青嶂死便共白雲生樹
枿燒爐響崖稜躡屐聲此心人信否魂夢自分明

早秋寄友生

雨多殘暑歇蟬急暮風清誰有閒心去江邊看水行河
遙紅蓼簇野闊白煙平試折秋蓮葉題詩寄竺卿

送王秀才往松滋夏課

松滋聞古縣明府是詩家靜理餘無事歌眠盡落花江
光搖夕照柳影帶殘霞君去應相與乘船泛月華

喜訾公自武陵至

已盡滄浪興還思湘楚行鬢全無舊黑詩別有新清暫
憩臨寒水時來扣靜荆囊中有靈藥終不獻公卿

假山并序

假山者蓋懷匡廬有作也往歲當居東郭因夢覺遂圖於壁迄於十秋而攢青疊碧於寤寐間宛若捫蘿挽樹而昇彼絕頂今所作倣像一面故不盡萬壑千巖神仙鬼怪之宅聊得解懷既而功就乃激幽抱而作是詩終於一百八十言爾

匡廬久別離積翠杳天涯靜室曾圖峭幽庭復創竒典衣酬土價擇日運工時信手成重疊隨心作蔽虧根盤

驚院窄頂聳訝簷卑鎮地那言重當軒未厭危巨靈何
忍擘秦政肯輕移曉覺莎煙觸寒聞竹籟吹藍灰澄古
色泥水合凝滋引看僧來數牽吟客散遲九華渾鬢髯
五老頗參差蛛網藤蘿挂春霖瀑布垂加添雙石笋映
帶小蓮池舊說雷居士曾聞遠大師紅霞中結社白壁
上題詩顧此誠徒爾勞心是妄為經營慙培塿賞翫愧
童兒會入千峯去閒蹤任屬誰

謝西川可準上人遠寄詩集

匡社經行外沃洲禪宴餘吾師還繼此後輩復何如江
上傳風雅靜中時卷舒堪隨樂天集共伴白芙蕖

秋空

已覺秋空極更堪寥泐青只應容好月爭合有妖星耿
耿高河截脩脩一鴈經曾於洞庭宿上下徹心靈

與聶尊師話道

伯陽遺妙旨杳杳與冥冥說即非難說行還不易行藥
中迷九轉心外覓長生畢竟荒原上一盤蒿隴平

送相里秀才自京至却迴

夷門詩客至楚寺閉蕭騷老病語言澀少年風韻高難
於尋閭島險甚涉雲濤珍重西歸去無忘役思勞

謝人寄南榴卓子

幸附全材長良工斲罷殊千株文栢有一尺錦榴無品
格宜仙果精光稱玉壺憐君遠相寄多愧野蔬麤

寄舊居隣友

別後知何趣搜竒少客同幾層山影下萬樹雪聲中晚

鼎烹茶綠晨厨爨粟紅何時携卷出世代有名公

送朱秀才歸閩

荆門來幾日欲往又囊空遠客歸南越單衣背北風近
鄉微有雪到海漸無鴻努力成詩業無謀謁至公

龍潭作

乍臨毛髮豎雙壁夾湍流白日鳥影過青苔龍氣浮蔽
空雲出石應禱雨翻湫四面耕桑者先聞賀有秋

依韻酬謝尊師見贈二首

師欲調舉

南國搜奇久偏傷杜甫墳重來經漢浦又去入嵩雲舊
別人稀見新朝事漸聞莫將高尚跡閑處傲明君

嶽頂休高卧荆門訪掩扉新詩遺我別舊約與誰歸賢
路曾無滯良時肯自違明年窺月窟仙桂露霏微

送水禪再往湖中

行心寧肯住南去與誰羣碧落高空處清秋一片雲穿
林瓶影滅背雨錫聲分應笑遊方久龍鍾楚水濱

喜表公往楚王城

已聞人捨地結構舊基平一面湖光白隣家竹影清應
難尋輦道空說是王城誰信興亡跡今來有磬聲

春雪初晴喜友生至

數日不見日飄飄勢忽開雖無忙事出還有故人來已
盡南簷滴仍殘北牖堆明朝望平遠相約在春臺

殘春連雨中偶作懷人

南隣阻杖藜屐齒遶床沉漠漠門長掩遲遲日又西不
知何興味更有好詩題還憶東林否行苔傍虎溪

送崔判官赴歸倅

白首從顏巷青袍去佐官
只應微俸祿聊補舊饑寒
地說丘墟甚民聞旱歟
殘春風吹綺席賓主醉相歡

寒食日懷寄友人

萬井追寒食閑扉獨不開
梨花應折盡柳絮自飛來
夢覺懷仙島吟行遶砌苔
浮生已悟了時節任相催

懷巴陵舊遊

洞庭雲夢秋空碧
共悠悠孟子狂題後
何人更倚樓日

西來遠棹風外見平流終欲重尋去僧窓古岸頭

招乾畫上人宿話


連夜因風雪相留在寂寥禪心誰指示詩卷自焚燒語
默鄰寒漏牕扉向早朝天台若長往還渡海門潮

荆門秋日寄友人

青溪知不遠白首要難歸空想煙雲裏春風鷺鶴飛誰
論傳法偈自補坐禪衣未謝侯門去尋常即掩扉

哭鄭谷郎中

朝衣聞典盡酒病覺難醫下世無遺恨傳家有
大詩新
墳青嶂疊寒食白雲垂長憶招吟夜前年風雪時



白蓮集卷六

欽定四庫全書

集部

白蓮集卷八

詳校官國子監司業_臣納麟寶

檢討_臣何思鈞覆勘

總校官進士_臣繆琪

校對官中書_臣李奎

謄錄監生_臣謝大綸

欽定四庫全書

白蓮集卷七

唐 釋齊己 撰

題東林十八賢真堂

白藕花前舊影堂
劉雷風骨畫龍章
共輕天子諸侯貴
同愛吾師一法長
陶令醉多招不得
謝公心亂入無方
何人到此思高躅
嵐點苔痕滿粉墻

謝靈運欲入社遠大師以其心亂不

納

題南岳般若寺

諸峯翠少中峰翠五寺名高此寺名石路險盤嵐靄滑
僧牕高倚次寥明凌空殿閣由天設遍地杉松是自生
更有上方難上處紫苔紅蘚遶崢嶸

寄廬岳僧

一聞飛錫別區中深入西南瀑布峯天際雪埋千片石
洞門冰折幾株松烟霞明媚栖心地苔蘚縈紆出世蹤
莫問江邊舊居寺火燒兵劫斷秋鐘

遊谷山寺

城裏尋常見碧稜水邊朝暮送歸僧
數峯雲脚垂平地一徑松聲徹上層
寒澗不生浮世物陰崖猶積去年冰
此身有底難拋事時復携筇信步登

楚寺寒夜作

寒爐局促坐成勞暗淡燈光照二毛
水寺閉來僧寂寂雪風吹去鴈嗷嗷
江山積疊歸程遠魂夢穿沿過處高
畢竟忘言是吾道袈裟不稱揖蕭曹

送太禪師歸南岳

石龕閑鑠白猿邊
歸去程途半在船
林簇曉霜離水寺
路穿新燒入山泉
已尋嵐壁臨空盡
却看星辰向地懸
有興寄題紅葉上
不妨收拾別為編

山中寄凝密大師兄弟

一爐薪盡室空然
萬象何妨在眼前
時有興來還覓句
已無心去即安禪
山門影落秋風樹
水國光凝夕照天
借問荀家兄弟內
八龍頭角讓誰先

海棠花

繁於桃李盛於梅寒食旬前社後開半月暄和留艷態
兩時風雨免傷摧人憐格異詩重賦蝶戀香多夜更來
猶得殘紅向春暮牡丹相繼發池臺

題贈湘西龍安寺利禪師

頭白已無行脚念自開荒寺住煙蘿門前路到瀟湘盡
石上雲歸岳麓多南祖衣盂曾禮謁東林泉月舊經過
閑來松外看城郭一片紅塵隔逝波

寄文浩百法

間欲擁毳參禪

當時六祖在黃梅五百人中眼獨開入室偈聞傳絕唱
昇堂客謾恃多才鐵牛無用成真角石女能生是聖胎
聞說欲拋經論去莫教惆悵却空迴

謝人寄新詩集

所聞新事即戈矛欲去終疑是暗投遠客寄言還有在
此門將謂愆無休千篇著述誠難得一字知音不易求
時入思量向何處月圓孤凭水邊樓

謝元願上人遠寄檀溪集

白首蕭條居漢浦清吟編集號檀溪有人收拾應如玉
無主知音只似泥入理半同黃葉句遣懷多擬碧雲題
猶能為我相思在千里封來夢澤西

寄道林寺諸友

吟興終依異境長舊遊時入靜思量江聲裏過東西寺
樹影中行上下方春色濕僧巾屨膩松花沾鶴骨毛香
老來何計重歸去千里重湖浪渺茫

贈智滿三藏

灌頂清涼一滴通大毘盧藏遍虛空欲飛蒼筤花無盡
須待陀羅尼有功金杵力摧魔鬼黑水精光透夜燈紅
可堪東獻明天子命服新酬贊國風

謝王先輩湘中迴惠示卷軸

少小即懷風雅情獨能遺象琢淳精不教霜雪侵玄鬢
便向雲霄換好名携去湘江聞鼓瑟袖來緱嶺伴吹笙
多君百首貽哀颯留把吟行訪竺卿

荆渚寄懷西蜀無染大師兄

大瀉心付白崖前
寶月分輝照蜀天
聖主降情延北內
諸侯稽首問南禪
清秋不動驪龍海
紅日無私罔象川
欲聽吾宗舊山說
地邊身老楚江邊

謝武陵徐巡官遠寄五七字詩集

五字才將七字爭
為君聊敢試懸衡
鼎湖苗裔搖金影
蓬島鸞凰舞翠聲
還是靈龜巢得穩
要須仙子駕方行
兩編珍重遙相惠
何夕燈前盡此情

重宿舊房與愚上人靜話

曾此栖心過十冬
今來瀟灑屬生公
檀藥舊植青添翠
齒舊新栽白換紅
北面城臨燈影合
西隣壁近講聲通
不知門下趨筵士
何似當時石解空

謝南平王賜山鷄

五色文章類彩鸞
楚人羅得半摧殘
金籠莫恨傷冠幘
玉粒須慙剪羽翰
孤立影危丹檻裏
雙栖伴在白雲端
上台愛育通幽細
却放溪山去不難

荆門病中雨後書懷寄幕中知己

病根翻作憶山勞
一雨聊堪浣鬱陶
心白未能忘水月
眼青猶得見秋毫
蟬聲晚簇枝枝急
雲影晴分片片高
還憶赤松兄弟否
別來應見鶴衣毛

宿江寺

島僧留宿慰衰顏
舊住何妨老未還
身共錫聲離島外
跡同雲影過人間
曾無夢入朝天路
憶有詩題隔海山
珍重來晨渡江去
九華青裏扣松關

謝貫微上人寄示古風今體四軸

四軸騷詞書八行捧吟肌骨遍清涼
謾求龍樹能醫眼
休問圖澄學洗腸
今體盡搜初剖判
古風淳鑿未玄黃
不知誰肯降文陣
闇點旌旗敵子房

荊州貫休大師舊房

疎篁抽笋柳垂陰
舊是休公種境吟
入貢文儒來請益
出官卿相駐過尋
右軍書畫神傳髓
康樂文章夢授心
銷得青城千嶂下
白蓮標塔帝恩深

寄谷山長老

遊遍名山祖遍尋
却來塵世渾光陰
肯將的的吾師意
擬付茫茫弟子心
豈有虛空遮道眼
不妨文字問知音
滄浪萬頃三更月
天上何如水底深

寄黃暉處士

蒙氏藝傳黃氏子
獨聞相繼得名高
鋒鋌妙奪金雞距
織利精分玉兔毫
濡染只應親賦咏
風流不稱近弓刀
何妨寄我臨池興
忍使江淹役夢勞



荆門勉懷寄道林寺諸友

榮枯得喪理昭然誰效離騷更問天生下便知真夢幻
老來何必歎流年清風不變詩應在明月無蹤道可傳
珍重匡廬沃洲主拂衣拋却好林泉

答崔校書

雪色衫衣絕點塵明知富貴是浮雲不隨喧滑迷真性
何用潺湲洗污聞北闕會拋紅駸駸東林社憶白氤氳
清吟有興頻相示欲答多慙蠹蝕文

乞櫻桃

去年曾賦此花詩，幾聽南園爛熟時。
嚼破紅香堪換骨，摘殘丹顆欲燒枝。
流鶯偷啄心應醉，行客潛窺眼亦癡。
聞說張筵就珠樹，任從攀折半離披。

寄南雅上人

曾得音書慰暮年，相思多故信難傳。
清吟何處題紅葉，舊社空懷墜白蓮。
山水本同真趣向，侯門剛有薄因緣。
他時不得君招隱，會逐南歸楚客船。

寄歐陽侍郎

時在嘉州饋遺

又聞繁愒在嘉州職重身閑倚寺樓
大象影和山面落
兩江聲合郡前流
慕輕國手知難敵
詩是天才肯易酬
畢竟男兒自高達
從來心不是悠悠

與崔校書靜話言懷

同年在咸通裏事佛為儒趣盡高
我性已甘披祖衲
君心猶待脫藍袍
霜髭晚幾臨銅鏡
雪鬢寒疎落剌刀
出世朝天俱未得
不妨還往有風騷

謝人惠拄杖

邛州靈境產修篁九節材應表九陽造化已能分尺度
保持爭合與尋常幽林剪破清秋影高手携來綠玉光
深謝魯儒憐潦倒欲教撐拄遶禪床

謝秦府推官寄丹臺集

秦王手筆序丹臺不錯褒揚最上才鳳闕幾傳為匠石
龍門曾用振風雷錢郎未竭精華去元白終存作者來
兩軸蚌胎驪頰耀枉臨禪室伴寒灰

題畫驚鷺蕪簡孫郎中

曾向滄江看不真，却因圖畫見精神。
何妨金粉資高格，不用丹青點此身。
蒲葉岸長堪映帶，荻花叢晚好相親。
思量畫得勝籠得，野性由來不戀人。

賀行軍太傅得白氏東林集

樂天歌詠有遺編，留在東林伴白蓮。
百氏典墳隨喪亂，一家風雅獨完全。
常聞荆渚通侯論，果遂吳都使者傳。
仰賀斯文歸朗鑒，永資聲政入薰絃。

韶陽徵公

曲江晴影石千株
吾子思歸夢斷初
有信北來山疊疊
無言南去雨踈踈
祖師門接園林路
丞相家同井邑居
閒野老身留得否
相招多是秀才書

將之匡岳過潯陽

帆過潯陽晚霽開
西風北鴈似相催
大孤浪後青堆沒
五老雲中翠疊來
此路便堪歸水石
何門更合向塵埃
遠公林下蓮池畔
箇箇高人盡有才

寄湘幕王重書記

拋擲波江舊釣磯日參籌畫廢吟詩
可能有事關心後
得似無人識面時
官好近聞加茜服
藥靈曾說換霜髭
高才直氣平生志
除却徒知即不知

宿沈彬進士書院

相期只為話篇章
踏雪曾來宿此房
喧滑盡消城漏滴
窓扉初掩岳茶香
舊山春暖生薇蕨
大國塵昏懼殺傷
應有太平時節在
寒宵未卧共思量

靜院

花院相重點破苔誰心肯此話心灰好風時傍疎篁起
幽鳥晚從何處來筆硯興狂師沈謝香燈魂斷憶宗雷
浮生已問空王了箭急光陰一任催

送白處士遊峨嵋

閒身誰道是羈遊西指峨嵋碧頂頭琴鶴幾程隨客棹
風霜何處宿龍湫尋僧石磴臨天井斲藥秋崖倒瀑流
莫為寰瀛多事在客星相逐不迴休

寄顧蟾處士 好於山水

久聞為客過蒼梧
休說携家歸鏡湖
山水顛狂應盡在
鬚毛凋落免貧無
和僧搶入雲中峭
帶鶴驅成澗底孤
春醉醒來有餘興
因人乞與武陵圖

懷金陵知舊

海門相別住荆門
六度秋光兩鬢根
萬象到心難蓋口
一生無事可傷魂
石頭城外青山疊
北固窓前白浪翻
盡是共遊題板處
有誰惆悵拂苔痕

喜得自牧上人書

吳都使者泛驚濤靈一傳書慰毳袍別興偶隨雲水遠
知音本自國風高身依閑淡中消日髮向清涼處落刀
聞著括囊新集了擬教誰與序離騷

驚秋

曉窓驚覺向秋風萬里心凝淡蕩中池影碎翻紅菡萏
井聲乾落綠梧桐破除閑事渾歸道銷耗勞生旋逐空
妖殺九原狐兔意豈知丘隴是英雄

聞沈彬赴吳都請辟

長訝高眠得穩無，果隨徵辟起江湖。
鴟鴞已列罇壘貴，鷗鶴休懷釣渚孤。
白首不妨扶漢祚，清才何讓賦吳都。
可能更憶相尋夜，雪滿諸峯火一爐。

寄江夏仁公

寺閣高連黃鶴樓，簷前檻底大江流。
幾因秋霽澄空外，獨為詩情到上頭。
白日有餘閑送客，紫衣何啻貴封侯。
別來多少新吟也，不寄南宗老比丘。

中春林下偶作

淨境無人可共携，閑眠未起日光低。
浮生莫把還丹續，萬事須將至理齊。
花在月明蝴蝶夢，雨餘山綠杜鵑啼。
何能向外求攀折，巖桂枝條拂石梯。

送劉秀才歸桑水寧謁

歸和初喜戢戈矛，乍捧鄉書感去留。
鴈序分飛離漢口，鷓原騫翥在鰲頭。
家隣紫塞仍千里，路過黃河更幾州。
應到高堂問安後，却携文入帝京遊。

寄曹松

舊制新題削復刊工夫過甚琢琅玕藥中求見黃芽易
詩裏思聞白雪難扣寂頗同心在定鑿空何止髮衝冠
夜來月苦懷高論數樹霜邊獨傍欄

酬蜀國歐陽學士

因緣劉表駐經行又聽西風墮葉聲鶴髮不堪言此世
峨眉空約在他生已從禪祖參真性敢向詩家認好名
深愧故人憐潦倒每傳仙語下南荆

寄荆慕孫郎中

珠履風流憶富春三千鷓鴣讓精神詩工鑿破清求妙
道論研通白見真四坐共推操檄健一家誰信買書貧
別來鄉國魂應斷劍閣東西盡戰塵

謝王詹事垂訪

鳥外孤峯未得歸人間觸類是無機方悲鹿軫栖江寺
忽訝輶車降竹扉王澤乍聞譚渙汗國風那得話玄微
應驚老病炎天裏枯骨肩橫一衲衣

題南平後園牡丹

暖披煙艷照西園翠幄朱欄護列仙玉帳笙歌留盡日
瑤臺伴侶待歸天香多覺受風光刺紅重知含雨露偏
上客分明記開處明年開更勝今年

和李書記

繁極全分青帝功開時獨占上春風吳姬舞雪非真艷
漢后題詩是怨紅遠蜨戀香拋別苑野鶯銜得出深宮
君看萬態當筵處羞殺薔薇點碎叢

謝孫郎中寄示

一念禪餘味國風早因持論偶名公久傷琴喪人亡後
忽有雲和雪唱同鉗琢靜聞第象外是非閒見寂寥中
時來日往緣真趣不覺秋江度塞鴻

愛吟

正堪凝思掩禪扃又被詩魔惱竺卿偶凭窓扉從落照
不眠風雪到殘更皎然未必迷前習支遁寧非悟後生
傳寫會逢精鑒者也應知是咏閒情

寄懷東林寺匡白監寺

南岳別來無後約東林歸住有前緣
閑搜好句題紅葉靜斂霜眉對白蓮
鴈塔影分疎檜月虎溪聲合幾峰泉
修心若似伊耶舍傳記須添十九賢

謝人惠十色花牋并棊子

陵州棊子浣花牋深愧携來自錦川
海蚌琢成星落落吳綾隱出鴈翩翩
留防桂苑題詩客惜寄桃源敵手仙
捧受不堪思出處七千餘里劍門前

夏日寓居寄友人

北遊兵阻復南還，因寄荊州病掩關。
日月坐銷江上寺，清涼魂斷剡中山。
披緇影跡堪藏拙，出世身心合向閒。
多謝扶風大君子，相思時到寂寥間。

中秋十四日夜對月上南平主人

今宵前夕皆堪玩，何必圓時始竭才。
空說輪中有天子，不知何處有樓臺。
終憂明夜雲遮却，且埽閒居坐看來。
玉兔銀蟾似多意，乍臨棠樹影徘徊。

謝人惠十才子圖

丹青妙寫十才人
玉峭冰稜姑射神
醉舞離披真鸞鷲
狂吟崩倒瑞麒麟
翻騰造化山曾竭
採掇珠璣海幾貧
猶得知音與圖畫
草堂閑挂似相親

荆門病中寄懷鄉人歐陽侍郎彬

誰會荊州一老夫
夢勞神役憶匡廬
碧雲鴈影紛紛去
黃葉蟬聲漸漸無
口淡莫分冷氣味
身羸但覺病肌膚
可憐饌玉燒蘭者
肯慰寒偎雪夜爐

送譚三藏入京

阿闍黎與佛身同灌頂難施利濟功持咒力須資運祚
度人心要似虛空東周路踏紅塵裏北極門瞻紫氣中

好進梵文霑帝澤却歸天策繼真風

三藏住楚國天策寺

寄酬秦府高推官輦

天台衡嶽舊曾尋閑憶留題白石林歲月已殘哀峴鬢
風騷猶壯寂寥心緱山碧樹遮藏密丹穴紅霞掩映深
爭得相逢一携手拂衣同去聽玄音

叙懷寄高推官

搜新編舊與誰平
自向無聲認有聲
已覺愛來多廢道
可堪傳去更沽名
風松韻裏忘形坐
霜月光中共影行
還勝御溝寒夜水
狂吟衝尹甚傷情

送朱侍御自洛陽歸閬州寧覲

尋常西望故園時
幾處魂隨落照飛
客路舊縈秦甸出
鄉程今遶漢陽歸
已過巫峽沉青靄
忽認峨眉在翠微
從此倚門休望斷
交親喜換老萊衣

貽惠暹上人

經論功餘更業詩又於難裏縱天機
吳朝客見投文去
楚國僧迎著紫歸
已得聲名先振俗不妨風雪更探微
金陵高憶恩門在終挂雲帆重一飛

酬西蜀廣濟大師見寄

猶得吾師繼頌聲
百篇相愛寄南荆
卷開錦水霞光爛
吟入峨眉雪氣清
楚外已甘推絕唱
蜀中誰敢共懸衡
應懷無可同無本
終向風騷作弟兄

江寺春殘寄幕中知己二首

誰遣西來負岳雲自由歸去竟何因
山龕薜荔應殘雪
江寺玫瑰又度春
早歲便師無學士
臨年却作有為人
何妨夜醺時相憶
佯醉佯狂笑老身

社蓮慚與幕蓮同
岳寺蕭條儉府雄
冷淡獨開香火裏
殷妍行列綺羅中
秋如玉露何傷白
夜醉金缸不那紅
閑憶遺民此心地
一般無染喻真空

寄玉泉寶仁上人

往歲曾尋聖跡時
樹邊三迭禮吾師
敢望護法將軍記
且喜焚香弟子知
後會未期心的的
前峯欲下步遲遲
今來老劣難行甚
空寂無緣但寄詩

荆渚感懷寄僧達禪弟三首

電擊流年七十三
齒衰氣沮竟何堪
誰云有句傳天下
自媿無心繼嶺南
曉漱氣嫌通市井
晚烹香憶落雲潭
隣峯道者應彈指
蘚剝藤纏舊石龕

十五年前會虎溪
白蓮齋後便來西
干戈時變信雖絕

吳楚路長魂不迷黃葉喻曾同我悟碧雲情近與誰携
春殘相憶荆江岸一隻杜鵑頭上啼

鶴嶺僧來細話君依前高尚跡難羣自拋南岳三生石
長傍西山數片雲丹訪葛洪無舊竈詩尋靈觀有遺文
莫將離別為相隔心似虛空幾處分

寄孫魴秀才

郡樓東面寺墻西顏子生涯竹屋低書案飛颺風落絮
地苔狼籍燕銜泥吟窓晚凭春篔密行徑斜穿夏菜齊

別後相思頻夢到二年同此賦閑題

送李評事往宜春

蘭舟西去是通津名郡賢侯下禮頻
山遍寺樓看仰岫臺連城閣上宜春
鴻心夜過鄉心亂雪韻朝飛句韻新
別有官榮身外趣月江松徑訪禪人

中春感興

春風日日雨時時寒力潛從暖勢衰
一氣不言含有象萬靈何處謝無私
詩通物理行堪擬道合天機坐可窺

應是正人持造化盡驅幽細入鑪鎚

早鶯

何處經年絕好音暖風催出轉喬林羽毛新刷陶潛菊
喉舌初調叔夜琴藏雨並栖紅杏密避人雙入綠楊深
曉來枝上千般語應共桃花說舊心

酬尚顏上人

紫綬蒼髭百歲侵綠苔芳草遠塔深不妨好鳥喧高卧
切忌閑人聒正吟魯鼎寂寥休辨口劫灰銷燹莫宣心

還憐我有冥搜癖時把新詩過竹尋

寄倪曙郎中

風雨冥冥春閣移紅殘綠滿海棠枝帝鄉久別江鄉住
椿筍何如櫻筍時海內擅名君作賦林間外學我為詩
近聞南國升南省應筴無機老病師



白蓮集卷七

欽定四庫全書

白蓮集卷八

唐 釋齊己 撰

湘中寓居春日感懷

江禽野獸兩堪傷
避射驚彈各自忙
頭角任多無獬豸
羽毛雖衆讓鴛鴦
落苔紅小櫻桃熟
侵井青纖燕麥長
吟把離騷憶前事
汨羅春浪撼殘陽

瀟湘

寒清健碧遠相台珠媚根源在極南流古遞今空作島
逗山衝壁自為潭遷來賈誼愁無限謫過靈均恨不堪
畢竟輸他老漁叟綠簑青竹釣濃藍

寄友生

風騷情味近如何門底寒流屋裏莎曾摘園蔬留我宿
共吟江月看鴻過時危苦恨無奴拾道妙深誇有琢磨
涼夜欵眠應得夢平生心肺似君多

酬答退上人

鬚鬢三分白二分一生縱跡出人羣
嵩丘夢憶諸峯雪
衡岳禪依五寺雲
青衲幾臨高瀑濯
苦吟曾許斷猿聞
荒村殘臘相逢夜
月滿鴻多楚水濱

山中春懷

心魂役役不曾歸
萬象相牽向極微
所得或憂逢郢刃
凡言皆欲奪天機
遊深晚谷香充鼻
坐苦春松粉滿衣
何物不為狼籍境
桃花和雨落霏霏

寄鄭谷郎中

上國誰傳消息過醉眠醒坐對嵯峨身離道士衣裳少
筆答禪師句偈多南岸郡鐘涼度枕西齋竹露冷露莎
還應笑我降心外惹得詩魔助佛魔

寄萍鄉唐稟正字

新書聲價滿皇都高卧林中更起無春興酒香薰肺腑
夜吟雲氣濕髭鬚同登水閣僧皆別共上漁舡鶴亦孤
長憶前年送行處洞門殘日照菖蒲

秋夕書懷

涼多夜永擁山袍
片石閑歌不覺勞
蟋蟀遶床無夢寐
梧桐滿地有蕭騷
平生樂道心常切
五字逢人價合高
破落西窓向殘月
露聲如雨滴蓬蒿

亂後經西山寺

松燒寺破是刀兵
谷變陵遷事可驚
雲裏乍逢新住主
石邊重認舊題名
閑臨菡萏荒池坐
亂踏鴛鴦破瓦行
欲伴高僧重結社
此身無計捨前程

題梁賢巽公房

吳王廟側有高房
簾影南軒日正長
吹苑野風桃葉碧
壓畦春露菜花黃
懸燈向後惟冥默
凭案前頭即渺茫
知有虎溪歸夢切
寺門松折社僧亡

塘上閑作

閑行閑坐藉莎煙
此興堪思二古賢
陶靖節居彭澤畔
賀知章在鏡湖邊
鴛鴦著對能飛繡
菡萏成羣不語仙
形影騰騰夕陽裏
數峯危翠滴漁船

江上望遠山寄鄭谷郎中

公時退居仰山

危碧層層映水天半垂崗隴下民田王維愛甚難拋畫
支遁高多不惜錢巨石盡合金玉氣亂峯閑鎖棟梁煙
秦爭漢奪空勞力却是巢由得穩眠

送人自蜀迴南遊

錦水東浮情尚鬱湘波南泛思何長蜀魂巴狄悲殘夜
越鳥燕鴻叫夕陽煙月幾般為客路林泉四絕是吾鄉
尋幽必有僧相指宋杜題詩近舊房

寄无願上人

六十八去七十歲與師年鬢不爭多誰言生死無消處
還有修行那得何開士安能窮好惡故人堪憶舊經過
會歸原上焚身後一陣灰飛也任他

懷瀟湘即事寄友人

浸野溼空淡蕩和十年隣住聽漁歌城臨遠棹浮煙泊
寺近閑人泛月過岸引綠蕪春雨細汀連斑竹晚風多
可憐千古懷沙處還有魚龍弄白波

謝橘洲人寄橘

洞庭栽種似瀟湘
綠遶人家帶夕陽
霜裏露蒸千樹熟
浪圍風撼一洲香
洪崖遣後名何遠
陸績懷來事更長
藏貯待供賓客好
石榴宜稱映丹光

自貽

心中身外更何猜
坐石看雲養聖胎
名在好詩誰逐去
跡依閑處自歸來
時添瀑布新瓶水
旋換旃檀舊印灰
晴出寺門驚往事
古松千尺半蒼苔

寄益上人

長想尋君道路遙，亂山霜後火新燒。
近聞移住隣衡岳，幾度題詩上石橋。
古木傳聲連峭壁，一燈懸影過中宵。
風騷味薄誰相愛，歌枕常多夢鮑昭。

行次宜春寄湘西諸友

幸無名利路相迷，雙履尋山上栢梯。
衣鉢祖辭梅嶺外，香燈社別橘洲西。
雲中石壁青侵漢，樹下苔錢綠遶溪。
我愛遠遊君愛住，此心他約與誰携。

送畧禪者歸南岳

林下鐘殘又拂衣，錫聲還獨向南飛。
千峯冷截冥鴻處，一徑險通禪客歸。
青石上行苔片片，古杉邊宿雨霏霏。
勞生有願應回首，忍著無心與物違。

詠懷寄知己

已得浮生到老閒，且將新句擬玄關。
自知清興來無盡，誰道淳風去不還。
三百正聲傳世後，五千真理在人間。
此心終待相逢說，時復登樓看暮山。

寄吳拾遺

新作將誰推重輕皎然評裏見權衡非無苦到難搜處
合有清垂不朽名疎雨晚衝蓮葉響亂蟬涼抱檜梢鳴
野橋閑背殘陽立翻憶蘇卿送子卿

春晴感興

連旬陰翳曉來晴水滿圓塘照日明岸草短長邊過客
江花紅白裏啼鶯野無征戰時堪望山有樓臺暖好行
桑柘依依禾黍綠可憐歸去是張衡

謝道友拄杖

翦自南巖瀑布邊寒光七尺乳珠連持來未入塵埃路
乞與應憐老病年欹影夜歸青石澗卓痕秋過綠苔錢
他時携上嵩峯頂把倚長松看洛川

東林寄別修睦上人

行心乞得見秋風雙履難留更住蹤紅葉正多離社客
白雲無限向嵩峯囊中自欠詩千首身外誰知事幾重
此別不能為後約年華相似逼衰容

夏日原西避暑寄吟友

熱煙疎竹古原西
日日乘涼此杖藜
閑處雨聲隨霹靂
旱田人望隔虹霓
蟬依獨樹乾吟苦
鳥憶平川渴過齊
別有相招好泉石
瑞花瑤草盡堪携

懷匡阜

荊州連歲滯遊方
拄杖塵封六尺光
洗面有香思石溜
冥心無撓憶山床
閒機但媿時機速
靜論須慙世論長
昨夜分明夢歸去
薜蘿幽逕遶禪房

靜坐

繩床欹坐任崩頽
雙眼醒醒閉復開
日月更無閑裏過
風騷時有靜中來
天真自得生難捨
世幻誰驚死不迴
何處堪投此蹤跡
水邊晴去上高臺

寄湘中諸友

碧雲諸友盡黃眸
石點花飛更說無
嵐翠濕衣松接院
芙蓉薰面寺臨湖
沃洲高卧心何僻
匡社長禪興亦孤
爭似楚王文物國
金鑣紫綬讓前途

答无願上人書

鄭生驅蹇峴山迴傳得安公好信來千里阻修俱老骨
八行重疊慰寒灰春殘桃李猶開戶雪滿松杉始上臺
必有南遊山水興漢江平穩好浮杯

送僧公歸闕

西朝歸去見高情應戀香燈近聖明闕令莫疑非馬韝
道安還跨赤驢行克齋野店蔬無味灑笠平原雪有聲
忍惜文章便閑得看他趨競取時名

感時

忽忽枕前蝴蝶夢悠悠覺後利名塵無窮今日明朝事
有限生來死去人終與狐狸為窟穴謾師龜鶴養精神
可憐顏子能消息虛室坐忘心最真

湖上逸人

澹蕩光中翡翠飛田田初出柳絲絲吟沿綠島時逢鶴
醉泛清波或見龜七澤釣師應識我中原逐鹿不知誰
秋風水寺僧相近一徑蘆花到竹籬

懷巴陵

垂白堪思大亂前，薄遊曾駐洞庭邊。
尋僧古寺沿沙岸，倚杖殘陽落水天。
蘭芷薦莼騷客廟，煙波晴濶釣師船。
此時欲買君山住，懶就商人乞箇錢。

渚宮謝楊秀才自嵩山相訪

嵩峯有客遠相尋，塵滿麻衣袖苦吟。
花盡草長方閉戶，道孤身老正傷心。
紅堆落日雲千仞，碧撼涼風竹一林。
惆悵雅聲消歇去，喜君聊此暫披襟。

荆門寄沈彬

罷趨明聖懶從知鶴氅褫褫遂性披道有靜君堪託跡
詩無賢子擬傳誰松聲白石邊行止日影紅霞裏夢思
珍重兩篇千里達去年江上雪飛時

讀陰符經

遠牕風竹骨輕安閒借陰符仰卧看絕利一源真有謂
空勞萬卷是無端清虛可保昇雲易嗜慾終知入聖難
三要洞開何用閉高臺時去凭欄干

寄吳國知舊

淮甸當年憶旅遊
衲衣梭笠外何求
城中古巷尋詩客
橋上殘陽背酒樓
晴色水雲天合影
晚聲名利市爭頭
可憐王化融融裏
惆悵無僧似惠休

移居

上台言任養疎愚
乞與西城水滿湖
吹榻好風終日有
趁涼開客片時無
檀藥翠擁清蟬在
菡萏紅殘白鳥孤
欲問存思搜挾妙
幾聯詩許敵三都

喜彬上人遠見訪

高吟欲繼沃洲師千里相尋問課虛殘臘江山行盡處
滿衣風雪到閑居携來律韻清何甚趣入幽微旨不踈
莫惜天機細搥琢他時終可擬芙蕖

荊州新秋寺居寫懷詩五首上南平王

竹如翡翠侵簾影苔學琉璃布地紋高卧更應無此樂
遠遊何必愛他雲閑聽謝眺吟為政靜看蕭何坐致君
只恐老身衰朽速他年不得頌鴻勳

井梧黃落暮蟬清久駐金臺但暗驚事佛未憐諸弟子

談空爭動上公卿
合歸鳥外藏幽跡
敢向人前認好名
滿印白檀燈一盞
可能酬謝得聰明

金湯裏面境何求
寶殿東邊院最幽
栽種已添新竹影
畫圖兼列遠山秋
形容豈合親公子
章句爭堪狎士流
虛負岷峨老僧約
年年雪水下汀洲

漢江西岸蜀江東
六稔安禪教化中
託跡幸將王繫別
歸心寧與子山同
罽毼豈識曹參酒
賓坐還親宋玉風
又見去年三五夕
一輪寒魄破煙空

石龕閑鎖舊居峯何事膺門歲月重五七詩中叨見過
三千客外許踈慵迎涼蟋蟀喧閑思積雨莓苔沒履蹤
會待英雄啟金口却教擔鋤入雲松

送李秀才歸湘中

詞客攜文訪病夫因吟送別憶湘湖寒消浦溆催鴻鴈
暖入溪山養鷓鴣僧向月中尋岳麓雲從城上去蒼梧
君歸為問峯前寺舊住松房鎖在無

寄吳國西供奉

金日八
卷八
別來相憶夢多迷君住東朝我楚西
瑤闕合陪龍象位
春山休記鷓鴣啼承恩位與千官別
應制才將十子齊
幾筴遠公慵送客殷勤只到寺前溪

謝人惠端溪硯

端人鑿斷碧溪澗善價爭教惜萬金
龍琢已曾經敏手
研磨終見透堅心安排得主難移動
含貯隨時任淺深
保重更求裝鈿匣開將濡染寄知音

送吳先輩赴京

煙霄已遂明經第江漢重來問苦吟託興偶憑風月遠
忘機終在寂寥深千篇未聽常徒口一字須防作者心
此日與君聊話後老身難約更相尋

和西蜀可準大師遠寄之什

莫知何路去追攀空想人間出世間杜口已同居士室
傳心休問祖師山禪中不住方為定說處無生始是閑
珍重希音遠相寄亂峯西望疊孱顏

荆門暮冬與節公話別

漳河湘岸柳關頭離別相逢四十秋我憶黃梅夢南國
君懷明主去東周幾程霜雪經殘臘何處封疆過舊游
好及春風承帝澤莫忘衰朽卧林丘

賀孫支使郎中遷居

別認公侯禮上才築金何啻舊燕臺地連東閣橫頭買
門對西園正面開不隔紅塵趨檠戟只拖珠履赴罇罍
應逢明月清霜夜閑鎖笙歌向此來

庭際新移松竹

三莖瘦竹兩株松瑟瑟脩脩韻且同抱節乍離新澗雪
盤根遠別舊林風歲寒相倚無塵地蔭影分明有月中
更待陽和信催促碧梢青杪看凌空

荆門寄題禪月大師影堂

澤國聞師泥日後蜀王全禮葬餘灰白蓮塔向清泉鎖

禪月堂臨錦水開西岳千篇傳古律

大師著西岳集三十卷盛傳於世

南宗一句印靈臺不堪隻履還西去葱嶺如今無使迴

賀雪

上清凝結下乾坤為瑞為祥表致君日月影從光外過
山河形向靜中分歌揚郢路誰同聽聲灑梁園客共聞
堪想畫堂簾卷次輕隨舞袖正紛紛

荊州寄貫微上人

舊齋休憶對松關各在王侯顧遇間命服已霑天渥澤
衲衣猶擁祖爛斑相思莫救燒心火留滯難移壓腦山
得失兩途俱不是笑他高卧碧孱顏

送休師歸長沙寧觀

高堂親老本師存多難長懸兩處魂已說戰塵消漢口
便隨征棹別荆門晴吟野闊無耕地晚宿灣深有釣村
他日更思哀老否七年相伴琢詩言

江上夏日

無處清陰似剡溪火雲竒崛倚空齊千山冷疊湖光外
一扇涼搖楚色西碧樹影踈風易斷綠蕪平遠日難低
故園舊寺臨湘水斑竹煙深越鳥啼

渚宮春日因懷有作

舊業樹連湘樹遠家山雲與嶽雲平僧來已說無耕釣
鴈去那知有弟兄客思莫牽蝴蝶夢鄉心自憶鷓鴣聲
沙頭南望堪腸斷誰把歸舟載我行

松化為石

近聞金華山
古松化為石

盤根幾聳翠崖前却偃凌雲化至堅乍結精華齊永劫
不隨凋變已千年逢賢必用錫辭立遇聖終將刻印傳
肯似荆山鑿餘者蘚封頑滯卧嵐煙

寄澧陽吳使君

南容西來話使君
洛陽風雨變行春
四隣耕釣趨仁政
千里煙花壓路塵
去獸未勝除狡吏
還珠爭似復逋民
紅蘭浦暖携才子
爛醉連題賦白蘋

湘江送客

湘江秋色湛如冰
楚客離懷暮不勝
千里碧雲聞塞鴈
幾程青草見巴陵
寒濤響疊晨征櫓
岸葦叢明夜泊燈
鸚鵡洲邊若回首
為思前事一捫膺

暮遊岳麓寺

寺樓高出碧崖棱，城裏誰知在上層。
初雪灑來喬木暝，遠禽飛過大江澄。
閑消不睡憐長夜，靜照無言謝一燈。
迴首何邊是空地，四村桑麥遍丘陵。

林下留別道友

住亦無依去是閒，何心終戀此林間。
片雲孤鶴東西路，四海九州多少山。
靜坐趁涼移樹影，興隨題處著苔斑。
秋來洗浣行衣了，還爾隣僧舊竹闌。

道林寺居寄岳麓禪師二首

門前石路徹中峯樹影泉聲在半空尋去未應勞上下
往來殊已倦西東鬣根盡白孤雲竝心跡全忘片月同
長憶高窓夏天裏古松青檜午時風

山袍不稱下紅塵各是閒居島外身兩處煙霞門寂寂
一般苔蘚石磷磷禪關悟後寧疑物詩格玄來不傍人
月照經行更誰見露華松粉點衣巾

亂後江西過孫魴舊居因寄

舊遊重到倍悲涼吟憶同人倚寺墻何處暮蟬喧逆旅

此中山鳥噪垂楊寰區有主權兵器風月無人掌桂香
欲寄此心空北望塞鴻天末失歸行

宜春江上寄仰山長老二首

水隔孤城城隔山水邊時望憶師閒清泉白石中峯上
落日半空栖鳥還雲影觸衣分朶朶雨聲吹磬散潺潺
傳心莫學羅浮去後輩思量待扣關

雨晴天半碧光流影倒殘陽濕郡樓絕頂有人經劫在
浮生無客暫時遊窓開萬壑春泉亂塔鎖孤燈萬木稠

欲為吾師拂衣去白雲紅葉又新秋

螢

透窓穿竹住還移萬類俱閑始見伊難把寸光藏暗室
自持孤影助明時空庭散逐金風起亂葉爭投玉露垂
後代儒生懶收拾夜深飛過讀書帷

湘中送翁員外歸閩

船滿琴書與酒盃清湘影裏片帆開人歸南國鄉園去
鴈逐西風日夜來天勢漸低分海樹山程欲盡見城臺

此身未別江邊寺，猶看星郎奉詔迴。

寄居道林寺作

嵐濕南朝殿塔寒，此中因得謝塵寰。
已同庭樹千株老，未負溪雲一片閒。
石境舊遊臨皎潔，岳蓮曾上徹孱顏。
如今衰颯成多病，黃葉風前晝掩關。

沙鷗

暖傍漁船睡不驚，可憐孤潔似華亭。
晚來灣浦衝平碧，晴過汀洲拂淺青。
翡翠靜中修羽翼，鴛鴦閑處事儀形。

何如飛入漢宮去留與興亡作典經

和翁員外題馬太傅宅賈相公井

飛塵不敢下相干
閣脉傍應潤牡丹
心任短長投玉綆
底須三五映金盤
神工舊製泓澄在天澤
時加澌灑寒
太傅欲旌前古事
星郎屬思久憑欄

看雪

何峯觸石濕苔錢
便逐高風離瀑泉
深處卧來真隱逸
上頭行去是神仙
千尋有影滄江底
萬里無蹤碧落邊

長憶舊山青壁裏，透菴閑伴老僧禪。

對雪寄荆幕知己

猛勢微開萬里清，月中看似日中明。此時鷗鷺無人見，
何處關山有客行。郢唱轉高誰敢和，巴歌相顧自銷聲。
江齋卷箔含毫久，應想梁王禮不經。

送相里秀才赴舉

兩上東堂不見春，文明重去有誰親。曾逢少海樽前客，
舊是神仙會裏人。已遂風雲催化羽，却將雷電助燒鱗。

明年自此登龍後迴首荆門一路塵

荆門疾中喜謝尊師自南嶽來相里秀才自京至
閑堂晝卧眼初開強起徐行遶砌苔鶴氅人從衡嶽至
鶉衣客自洛陽來坐聞隣樹栖幽鳥吟覺江雲發早雷
西笑東遊此相別兩途消息待誰迴

吟興自述

前習都繇未盡空生知雅學妙難窮一千首出悲哀外
五十年銷雪月中興去不妨歸靜慮情來何止發真風

曾無一字干聲利豈愧操心負至公


送謝尊師自南嶽出入京

曾聽鹿鳴逢世亂因披羽服隱衡陽
幾多事隔丹霄興三十年成兩鬢霜
芝朮未甘銷勇氣風騷無那激剛腸
中朝舊有知音在可是悠悠入帝鄉

送司空學士赴京

弘文初命下江邊難戀沙鷗與釣船
藍綬乍稱新學士白衫初脫舊神仙
龍山送別風生路鷄樹從容雪照筵

重謁往年金榜主便將才術佐陶甄



白蓮集卷八

欽定四庫全書

集部

白蓮集卷

十九

詳校官國子監司業臣納麟寶

檢討臣何思鈞覆勘

總校官進士臣繆琪

校對官中書臣李奎

謄錄監生臣謝大綸

欽定四庫全書

白蓮集卷九

唐 釋齊己 撰

春寄尚顏

含桃花謝杏花開
杜宇新啼燕子來
好事可能無分得
名山長似有人催
簷聲未斷前旬雨
電影還連後夜雷
心跡共師爭幾許
俗人嫌處自遲迴

寄梁先輩

慈恩塔下曲江邊別後多應夢到仙時去與誰論此事
亂來何處覓同年陳琳筆硯甘前席角里煙霞待共眠
愛惜麻衣好顏色未教朱紫污天然

荆渚偶作

無味吟詩即把經竟將踈野訪誰行身依江寺庭無樹
山遶天涯路有兵竹瓦雨聲漂永日紙窓燈焰照殘更
從容一覺清涼夢歸到龍潭掃石枰

城中晚夏思山

葛衣霑汗功雖健
紙扇搖風力甚卑
苦熱恨無行脚處
微涼喜到立秋時
竹軒靜看蜘蛛掛
莎徑閑聽蟋蟀移
天外有山歸即是
豈同遊子暮何之

憶舊山

誰請哀羸住北州
七年魂斷舊山丘
心清檻底瀟湘月
骨冷禪中太華秋
高節未聞馴虎豹
片言何以傲王侯
應須脫灑孤峯去
始是分明箇剃頭

寄體休

南州君去為尋醫病色應除似舊時久別莫忘廬阜約
却來須有洞庭詩金陵往歲同窺井峴首前秋共讀碑
兩處山河見興廢相思更切卧雲期

過陸鴻漸舊居

陸生自有傳於井石又云
行坐誦佛書故有此句

楚客西來過舊居讀碑尋傳見終初佯狂未必輕儒業
高尚何妨誦佛書種竹岸香連菡萏煮茶泉影落蟾蜍
如今若更生來此知有何人贈白驢

時太守
贈白驢

寄懷鍾陵舊遊因寄知己

洪井僧來說舊遊西江東岸是城樓昔年淹跡因王化
長日凭欄看水流真觀上人栖樹石陳陶處士在林丘
終拖老病重尋去得到匡廬死便休

遣懷

病腸休洗老休醫七十能饒百歲期不死任還蓬島客
無生自有雪山師浮雲聚散堪闕慮明月相逢好展眉
既兆未萌開酌度不如中抱自尋思

懷武陵因寄幕中韓先輩何從事

武陵嘉致跡多幽每見圖經恨白頭溪浪碧通何處去
桃花紅過郡前流常聞相幕鴛鴻興日向神仙洞府遊
鑿井耕田人在否如今天子正徵搜

贈樊處士

小子聲名天下知滿簪霜雪白麻衣誰將一着爭先後
共向長安定是非有路未曾迷日用無貪終不亂天機
閑尋道士過仙觀賭得黃庭兩卷歸

荆渚逢禪友

澤國相逢話一宵
雲山偶別隔前朝
社忠匡岳無宗炳
詩憶揚州有鮑昭
晨野黍離春漠漠
水天星繁夜遥遥
閑吟莫忘傳心祖
曾立塔前雪到胷

送僧歸洛中

赤日彤霞照晚坡
東州道路興如何
蟬離楚柳鳴猶少
葉到嵩雲落漸多
海內自為閑去住
闕頭誰問舊經過
丁寧與訪春山寺
白樂天真在也麼

道林寓居

秋泉一片樹千株暮汲寒燒外有餘青嶂者邊來已熟
紅塵那畔去應踈風騷未肯忘雕琢瀟洒無妨更剝除
即問沃洲開士僻愛禽憐駿意何如

仙掌

峭形寒倚夕陽天毛女蓮花翠影連雲外自為高出手
人間誰合鬪揮拳鶴拋青漢來巖檜僧隔黃河望頂煙
晴露紅霞長滿掌只應栖託是神仙

中秋月

空碧無雲露濕衣
羣星光外湧清規
東樓莫礙漸高影
四海待看當午時
還許分明吟皓魄
肯教幽暗取丹枝
可憐半夜嬋娟影
正對五侯殘酒池

送禪者遊南嶽

忽隨南棹去衡陽
誰住江邊樹下房
塵夢是非都覺了
野雲心地更何妨
漸臨瀑布聽猿思
却背岫巖看鴈行
想到中峯上層寺
石窓秋霽見瀟湘

聞道林諸友嘗茶因有寄

槍棋冉冉綠叢圓
穀雨初晴叫杜鵑
摘帶嶽華蒸曉露
碾和松粉煮春泉
高人夢惜藏巖裏
白磴封題寄火前
應念苦吟耽睡起
不堪無過夕陽天

將歸舊山留別錯公

舊峯前昨下來時
白石叢叢間
紫微章句不堪歌
有道溪山只合退
無機雲含暖態
晴猶在鶴養閑
神畫不飛欲去
更思過丈室
二年頻此揖清暉

聞尚顏上人初居有寄

麓山南面橋洲西別構新齋與竹齊野客已聞將鶴贈
江僧未說有詩題窓臨杳靄寒千嶂枕遍潺湲月一溪
可想乍移禪榻處松陰冷濕壁新泥

庚午歲九日作

門底秋苔嫩似藍此中消息興何堪亂離偷過九月九
頭尾算來三十三雲影半晴開夢澤菊花微暖傍江潭
故人今日在不在胡鴈背風飛向南

逢進士沈彬

欲話趨時首重搔因君倍惜剃頭刀千般貴在能過達
一片心閑不那高山疊好雲藏玉鳥海翻狂浪隔金鰲
時應記得長安事曾向文場屬思勞

聞王員外新恩有寄

欲退無因貴逼來少儀官美右丞才青袍早許淹花幕
霜簡方聞謝栢臺金諾靜宜資講誦玉山寒稱奉罇蟲
西峯有客思相賀門隔瀟湘雪未開

秋夕言懷寄所知

休問蒙莊材不材孤燈影共傍寒灰忘筌話道心甘死
候體論詩口懶開窓外風濤連建業夢中雲木憶天台
相踈却是相知分誰訝經年一度來

答禪者

五老峯前相遇時兩無言語只揚眉南宗北祖皆如此
天上人間更問誰山衲靜披雲片片鐵刀涼削鬢絲絲
閑吟莫學湯從事拋却袈裟負本師

寄尚顏

公受徐州薛
尚書見知

莫向孤峯道息機有人偷眼羨吾師
滿身光化年前寵
幾軸開平歲裏詩
北闕故人隨喪亂
南山舊寺在參差
清吟但憶徐方政
應恨當時不見時

梓栗杖送人

禪家何物贈分襟
只有天台杖一尋
拄去客歸青洛遠
採來僧入白雲深
遊山曾把探龍穴
出世期將指佛心
此日江邊贈君後
却携筇竹向東林

寄朗陵二禪友

瀟湘曾宿話詩評荆楚連秋阻野情金錫罷遊雙鬢白
鐵盃終守一齋清篇章老欲齊高手風月閑思到極精
南望山門石何處滄浪雲夢浸天橫

燈

幽光耿耿草堂空窓隔飛蛾恨不通紅燼自凝清夜朶
赤心長謝碧紗籠雲藏水國城臺裏雨閉松門殿塔中
金屋玉堂開照睡豈知螢雪有深功

寄金陵幕中李郎中

龍門支派富才能年少飛翔便大鵬久侍罇罍臨鐵瓮
又從旌節鎮金陵精神一隻秋空鶴騷雅千尋夏井冰
長憶相招宿華館數宵忘寢盡寒燈

寄韓蜕秀才

松門高不似侯門蘇逕鞋蹤觸處分遠事即為無害鳥
多閑便是有情雲那憂寵辱來驚我且寄風騷去敵君
知伴李膺琴酒外絳紗閑卷共論文

湘中春興

雨歇江明苑樹乾，物妍時泰恣遊盤。
更無輕翠勝楊柳，盡覺濃華在牡丹。
終日去還拋寂寞，遶池迴却凭欄干。
紅芳片片由青帝，忍向西園看落殘。

送錯公栖霞公南遊

洪偃湯休道不殊，高帆共載興何俱。
北京喪亂離丹鳳，南國煙花入鷓鴣。
明月團圓臨桂水，白雲重疊起蒼梧。
威儀本是朝天士，暫向遼荒住得無。

寄南岳諸道友

南望衡陽積瘴開
去年曾踏雪遊迴
謾為楚客蹉跎過
却是邊鴻的當來
乳竇孤明含海日
石橋危滑長春苔
終尋十八高人去
共坐蒼崖養聖胎

送韓蛻秀才赴舉

槐花館驛暮塵昏
此去分明吏部孫
才罷合居科第首
風流幸是縉紳門
春和洛水清無浪
雪洗高峯碧斷根
堪想都人齊指點
列仙相次上崑崙

溪居寓言

秋蔬數壠傍潺湲頗覺生涯異俗緣詩興難窮花草外
野情何恨水雲邊蟲聲遶屋無人語月影當松有鶴眠
寄向東溪老樵道莫摧丹桂博青錢

遣懷

詩病相兼老病深世醫徒更費千金餘生豈必虛拋擲
未死何妨樂咏吟流水不迴休歎息白雲無跡莫追尋
閑身自有閑消處黃葉清風蟬一林

自湘中將入蜀留別諸友

巾舄初隨入蜀船
風帆吼過洞庭煙
七千里路到何處
十二峯雲更那邊
巫女暮歸林浙瀝
巴猿吟斷月嬋娟
來年五月峨眉雪
坐看消融滿錦川

寄匡阜諸公二首

松頭栢頂碧森森
虛檻寒吹夏景深
靜社可追長往跡
白蓮難問久修心
山圍四面纔容寺
月到中宵始滿林
爭學忘言住幽勝
吾師遺集盡清吟

峯前林下東西寺
地角天涯來往僧
泉月淨流閑世界

杉松深鑱畫香燈爭無大士重修社合有諸賢更服膺
曾寄隣房掛餅錫雨聞巖溜解春冰

送人入蜀

何必閑吟蜀道難知君心出嶮巖間尋常秋泛江陵去
容易春浮錦水還兩面碧懸神女峽幾重青出丈人山
丈君酒市逢初雪滿貫新沽洗旅顏

酬廬山張處士

髮枯身老任浮沉懶泥秋風更役吟新事向人堪結舌

舊詩開卷但傷心
苔床卧憶泉聲遠
麻履行思樹影深
終謝柴桑與彭澤
醉遊閑訪入東林

寄峴山道人

鳳門高對鹿門青
往歲經過恨未平
辯鼎上人方話道
卧龍丞相忽追兵
爐峯已負重迴計
華岳終懸未去情
聞說東周天子聖
會採金鋤却西行

送王處士遊蜀

又掛寒帆向錦川
木蘭舟裏過殘年
自修姹姹爐中物

擬作飄飄水上仙
三峽浪喧明月夜
萬州山到夕陽天
來年的有荆南信
迴札應緘十色牋

懷金陵李推官僧自牧

秣陵長憶共吟遊
儒釋風騷盡上流
蓮幕少年輕謝眺
雪山真子鄙湯休
也應有作懷清苦
莫謂無心過白頭
欲附別來千萬意
病身初起向殘秋

寄尋萍公

聞在湓城多寄住
隨時談笑渾塵埃
孤峯忽憶便歸去

浮世要看還下來萬頃野煙春雨斷九條寒浪晚窓開
虎溪橋上龍潭寺曾此相尋踏雪迴

得李推官近寄懷

荆門前歲使乎迴求得星郎近制來連日借吟終不已
一燈忘寢又重開秋風漫作牽情賦春草真為入夢才
堪笑陳宮諸狎客當時空有箇追陪

對菊

蝶醉蜂狂半折時冷煙清露壓離披欲傾琥珀盃浮爾

好把茱萸朶配伊孔雀毛衣應者是鳳凰金翠更無之
何因裁向僧園裏門外重陽過不知

憶東林因送二生歸

好向東林度此生半天山脚寺門平紅霞嶂底潺潺色
清夜房前瑟瑟聲偶別十年成瞬息欲來千里阻刀兵
可憐二子同歸興南國煙花路好行

渚宮西城池上居

城東移錫住城西綠遶春波引杖藜翡翠滿身衣有異

金人詩集卷九
鷺鷥通體格非低風搖柳眼開煙小暖逼蘭芽出土齊
猶有幽深不相似剡溪乘棹入耶溪

中秋夕愴懷寄荆幕孫郎中

白蓮香散沼痕乾綠篠陰濃蘚地寒年老寄居思隱切
夜涼留客話時難行僧盡去雲山遠賓鴈同來澤國寬
時謝孔璋操檄外每將空病問衰殘

酬湘幕徐員外見寄

東海儒宗事業全冰稜孤峭類神仙詩同李賀精通鬼

文擬劉軻妙入禪珠履早曾從相府玳簪今又別賓筵
篇章幾謝傳西楚空想雄風度十年

寄蜀國廣濟大師

冰壓霜壇律格清三千傳授盡門生禪心靜入空無跡
詩句閑搜寂有聲滿國繁華徒自樂兩朝更變未曾驚
終思相約岷峨去不得携筇一路行

答獻上人卷

衲衣禪客袖篇章江上相尋共感傷秦甸亂來栖白沒

杼山空後皎然亡清留島月秋凝露苦寄巴猿夜叫霜
珍重南宗好才子灰心冥目外無妨

寄武陵貫微上人二首

知泛滄浪棹未還西峯房鎖夜潺潺春陪相府遊仙洞
雪共賓寮對玉山詩裏幾添新菡萏衲痕應換舊爛斑
莫忘一句曹溪妙堪塞孫孫騁度關

吳頭東面楚西邊雲接蒼梧水浸天兩地別離身已老
一言相合道休傳風騷妙欲凌春草蹤跡閑思遠嶽蓮

不是傲他名利世吾師本在雪山巔

懷體休上人

仲宣樓上望重湖君到瀟湘得健無
病遇何人分藥餌
詩逢誰子論功夫杉蘿寺裏尋秋早
橘柚洲邊度日晡
許送自身歸華嶽待來朝暮拂銜盃

招湖上兄弟

去歲得君消息在兩憑人信過重湖
忍貪風月當年少
不寄音書慰老夫藥鼎近聞傳秘訣
詩門曾說擁寒爐

金上巳月令三
卷九
漢江江路西來便好榜扁舟訪我無

江居寄關中知己

多病多慵漢水邊
流年不覺已皤然
舊栽花地添黃竹
新陷盆池換白蓮
雪月未忘招遠客
雲山終待去安禪
八行書札君休問
不似風騷寄一篇

中秋十五夜寄人

高河瑟瑟轉金盤
欬露吹光逆凭欄
四海魚龍精魄冷
五山鸞鶴骨毛寒
今宵盡向圓時望
後夜誰當缺處看

何事清光與蟾兔却教才子少留難

謝人自鍾陵寄紙筆

故人猶憶苦吟勞所惠何殊金錯刀
霜雪剪裁新剡硯鋒鋌管束本宣毫
知君倒篋情何厚借我臨池價斗高
詞客分張看欲盡不堪來處隔秋濤

移居西湖作二首

火雲陽焰欲燒空小檻幽窓想舊峯
白汗此時流枕簟清風何處動杉松
殘更正好眠涼月遠寺俄聞報曉鐘

只待秋聲滌心地衲衣新洗健形容

官園樹影晝陰陰咫尺清涼莫浣心桃李別教人主掌
煙花不稱我追尋蝸螻晚噪風枝穩翡翠閑眠宿處深
爭似出塵地行止東林苔徑入西林

看金陵圖

六朝圖畫戰爭多最是陳宮計數訛若愛蒼生似歌舞
隋皇自合恥干戈

寄南嶽泰禪師

江頭默想坐禪峯
白石山前萬丈空
山下獵人應不到
雪深花鹿在庵中

片雲

水底分明天上雲
可憐形影似吾身
何妨舒作從龍勢
一雨吹銷萬里塵

寄清溪道者

萬重千疊紅霞嶂
夜燭朝香白石龕
常寄溪窓凭危檻
看經影落古龍潭

病中勉送小師往清涼山禮大聖

豐衣足食處莫住聖跡靈蹤好遍尋
忽遇文殊開慧眼他年應記老師心

謝人惠拄杖

何處雲根採得來黑龍狂欲作風雷
知師念我形骸老教把經行拄綠苔

送楚雲上人往南嶽刺血寫法華經

剝皮刺血誠何苦欲寫靈山九會文
十指瀝乾終七軸

後來求法更無君

送胎髮筆寄仁公

內唯胎髮外秋毫綠玉新裁管束牢
老病手疼無那爾
却資年少寫風騷

謝西川曇域大師玉筋篆書

玉筋真文久不興
李斯傳到李陽冰
正悲千載無來者
果見僧中有箇僧

偶作寄王秘書

七絲湘水秋深夜五字河橋日暮時借問秘書郎此意
靜彈高詠有誰知

謝人惠紙

烘焙幾工成曉雪輕明百幅疊春冰何銷才子題詩外
分與能書貝葉僧

答文勝大師清桂書

纔把文章干聖主便承恩澤換禪衣應嫌六祖傳空衲
只向曹溪永息機

寄懷曾口寺文英大師

着紫袈裟名已貴吟紅齒背價兼高
秋風曾憶西遊處
門對平湖滿白濤

懷道林寺道友

四絕堂前萬木秋碧參差影壓湘流
閒思宋杜題詩板
一日憑欄到夜休

放鶴

辭主人絕句四首

華亭來復去芝田丹頂霜毛性可憐
縱與乘軒終悞主

不如還放却遼天

放猿

堪憶春雲十二峯
野桃山杏摘香紅
王孫可念愁金鎖
從放斷腸明月中

放鷺鷥

白蘋紅蓼碧江涯
日暖雙雙立睡時
願揭金籠放歸去
却隨沙鶴鬪輕絲

放鸚鵡

隴西蒼巖結巢高本為無人識翠毛今日籠中強言語
乞歸天外琢含桃

白蓮集卷九

欽定四庫全書

白蓮集卷十

唐 釋齊己 撰

猛虎行

磨爾牙錯爾爪
狐莫威兔莫狡
飢來吞噬取腸飽
橫行不怕日月星
皇天產爾為生獰
前村半夜聞吼聲
何人按劍燈熒熒

西山史

西山中多狼虎去歲傷兒復傷婦官家不問孤老身還
在前山山下住

君子行

聖人不生麟龍何瑞梧桐不高鳳凰何止吾聞古之有
君子行藏以時進退求己榮必為天下榮恥必為天下
恥苟進不如退不如退亦何必用虛偽之文章取榮
名而自美

善哉行

大鵬刷翮謝溟渤青雲萬層高突出下視秋濤空渺瀰
舊處魚龍皆細物人生在世何容易眼濁心昏信生死
願除嗜慾待身輕攜手同尋列仙事

日日曲

日日日東上日日日西沒任是神仙容也須成朽骨浮
雲滅復生芳草死還出不知千古萬古人葬向青山為
底物

耕叟

春風吹蓑衣暮雨滴箬笠夫婦耕共勞兒孫饑對泣田
園高且瘦賦稅重復急官倉鼠雀羣只待新租入

苦熱行

離宮劃開赤帝怒喝起六龍奔日馭下土熬熬若煎煮
蒼生惶惶無處處火雲崢嶸焚汰寥東皋老農腸欲焦
何當一雨蘇我苗為君擊壤歌帝堯

苦寒行

冰峯撐空寒齷齪雲凝水凍埋海陸殺物之性傷人之

慾既不能斷蒺藜荆棘之根株又不能展鳳凰麒麟之
拳跼如此則何如為和煦為膏為雨自然天下之榮枯
融融於萬戶

春風曲

春風有何情旦暮來林園不問桃李主吹落紅無言

城中懷山友

春城來往桃李碧煖艷紅香斷消息吾徒自有山中隣
白晝冥心坐嵐壁

讀李賀歌集

赤水無精華荆山亦枯槁玄珠與虹玉璨璨李賀抱清
晨醉起臨春臺吳綾蜀錦胸襟開狂多兩手掀蓬萊珊
瑚掇盡空土堆

風琴引

按吳絲雕楚竹高託天風拂為曲一一宮商在素空鸞
鳴鳳語翹梧桐夜深天碧松風多孤窓寒夢驚流波愁
魂傍枕不肯去翻疑住處隣湘娥金風聲盡薰風發冷

泛虛堂韻難歌常恐聽多耳漸煩清音不絕知音絕

夏雲曲

紅嵯峨爍晚波乖龍慵卧旱鬼多燼燼萬里壓天塹颺
雷電光空閃閃好雨不雨風不風徒倚穹蒼作巖險男
巫女覩更走魂焚香祝天天不聞天若聞必能使爾為
潤澤洗埃氛而又變之成五色捧日輪將以表唐堯虞
舜之明君

讀李白集

竭雲濤剗巨鼇搜括造化空牢牢冥心入海海神怖驪
龍不敢為珠主人間物象不供取飽飲遊神向玄圃鏘
金鏗玉千餘篇膾吞炙嚼人口傳須知一一丈夫氣不
是綺羅兒女言

祈真壇

玉甃瑤壇二三級學仙弟子參差入霓旌隊仗下不下
松檜森森天露濕殿前寒氣束香雲朝祈暮禱玄元君
茫茫俗骨醉更昏樓臺十二遙崑崙崑崙縱廣一萬二

千里中有五色雲霞五色水何當斷慾便飛去不要九
轉神丹換精髓

黃雀行

雙雙野田雀上下同飲啄暖去栖蓬蒿寒歸傍籬落殷
勤避羅網乍可遇鵬鴞鵬鴞雖不仁分明在寥廓

石竹花

石竹花開照庭石紅鮮自稟離宮色一枝兩枝初笑風
猩猩血潑低低叢常嗟世眼無真鑒却被丹青苦相陷

誰為根尋造化功為君吐出淳元膽白日當午方盛開
彤霞灼灼臨池臺繁香濃艷如未已粉蝶遊蜂狂欲死
寄南岳白蓮道士能於長嘯

猿孫休啼月皎皎蟋蟀不吟山悄悄大耳仙人滿頰鬚
醉倚長松一聲嘯

古劍歌

古人手中鑄神物百鍊百淬始提出今人不要強研磨
蓮鐔星文未曾沒一彈一撫聞錚錚老龍影奪秋燈明

何時得遇英雄主用爾平治天下去

湘妃廟

湘煙濛濛湘水急汀露凝紅裛蓮濕蒼梧雲疊九疑深
二女魂飛江上立相携泣鳳蓋龍輿追不及廟荒松朽
啼飛猩笏鞭迸出階基傾黃昏一岸陰風起新月如眉
生澗水

巫山高

巫山高巫女妖雨為暮兮雲為朝楚王憔悴魂欲銷秋

猿嗥嗥日將夕紅霞散煙凝老壁千巖萬壑花皆坼但
恐芳菲無正色不知今古行人行幾人經此無秋情雲
深廟遠不可覓十二峯頭插天碧

贈持法華經僧

衆人有口不說是即說非吾師有口何所為蓮經七軸
六萬九千字日日夜夜終復始乍吟乍諷何悠揚風篁
古松含秋霜但恐天龍夜叉乾闥衆囑塞虛空耳皆聳
我聞念經功德緣古根可等金剛堅他時劫火洞燃後神

光璨璨如紅蓮受持身心苟精潔尚能使煩惱大海水
枯竭魔王輪幢自摧折何況更如理行如理說

剗腸龜

爾既能於靈應久存其生爾既能於瑞胡得迷其死剗
腸徒自屠曳尾復何累可憐濮水流一葉泛莊子

贈巖居僧

石如麒麟巖作室秋苔漫壇淨於漆袈裟蓋頭心在無
黃猿白猿啼日日

觀李瓊處士畫海濤

巨鼇轉側長鯨翻狂濤顛浪高漫漫李瓊奪得造化本
都盧縮在秋毫端一揮一畫皆筋骨滉養崩騰大鯨臬
葉撲仙槎擺欲沉下頭應是驪龍窟昔年曾夢涉蓬瀛唯
聞撼動珊瑚聲今來正歎陸沉久見君此畫思前程千
尋萬派功難測海門山小濤頭白今人錯認錢塘城羅
刹石底奔雷霆

昇天行

身不沉骨不重驅青鸞駕白鳳幢蓋飄搖入冷空天風
瑟瑟星河動瑤闕參差阿母家樓臺戲閉疑彤霞五三
仙子乘龍車堂前碾爛蟠桃花迴頭却顧蓬山頂一點
濃嵐在深井

還人卷

李白李賀遺機杼散在人間不知處聞君收在芙蓉江
日鬪鮫人織秋浦金梭軋軋文離離吳娃越女羞上機
鴛鴦浴煙鸞鳳飛澄江曉映餘霞輝仙人手持玉刀尺

寸寸酬君珠與璧裁作霞裳何處披紫皇殿裏深難覓
輕薄行

玉鞭金鐙驕驄蹄橫眉吐氣如虹霓五陵春暖芳草齊
笙歌到處花成泥日沉月上且聞雞醉來莫問天高低
伯陽道德何唾啖仲尼禮樂徒卑栖

浮雲行

大野有賢人大朝有聖君如何彼浮雲掩蔽白日輪安
得東南風吹散八表外使之天下人共見堯眉彩

煌煌京洛行

聖君垂衣裳蕩蕩若朝旭大觀無遺物四夷來率服清
晨迴北極紫氣蓋黃屋雙闕聳雙螯九門如川瀆梯山
航海至晝夜車相續我恐紅塵深變為黃河曲

弔汨羅

落日倚闌干徘徊汨羅曲冤魂如可弔煙浪聲似哭我
欲考鼉鼉之心烹魚龍之腹爾既啖大夫之血食大夫
之肉千載之後猶斯暗伏將謂唐堯之尊還如荒悴之

君更有逐臣於焉，奠魂得以縱其噬恣其吞。

贈念法華經僧

念念念兮入惡，念念念兮入善。難念經念佛能一般。
愛河竭處生波瀾，言公少年真法器。白晝不出夜不睡，心
心緣經口緣字。一室寥寥燈照地，沉檀卷軸寶函盛。簷
蔔香薰水精記，空山木落古寺閑。松枝鶴眠霜霰乾，牙
根舌根水滴寒。珊瑚搥打紅琅玕，但恐蓮花七朶一時
圻。朶朶似君心地白，又恐天風吹天花。繽紛如雨飄袈

淡况聞此經甚微妙百千諸佛真祕要靈山說後始傳
來聞者雖多持者少更堪誦入陀羅尼唐音梵音相雜
時舜絃和雅薰風吹文王武王絃更悲如此爭不遣碧
空中有龍來聽有鬼來聽亦使人間聞者敬見者敬
自然心虛空性清淨此經真體即毘盧雪嶺白牛君識
無

短歌寄鼓山長老

雪峯雪峯高且雄
峩峩堆積青冥中
六月赤日燒不鎔

飛禽曾過人難通常聞中有白象王五百象子皆威
光行圍坐遶同一色森森影動栴檀香於中一子最雄
猛稱尊獨踞鼓山頂百千春屬陰闕影身照曜吞秋景我
聞岷國民歸依前王後王皆師資寧同梁武過達磨過
後彈指空傷悲

漁父

夜釣洞庭月朝醉巴陵市却歸君山下魚龍窟邊睡生
涯在何處白浪千萬里曾笑楚臣迷蒼黃汨羅水

採蓮曲

越溪女越江蓮
齊齒昔雙嬋
娟嬉遊向何處
採摘且同船
浩唱發容與
清波生漪漣
時逢島嶼泊
幾共鴛鴦眠
襟袖既盈溢
馨香亦相傳
薄暮歸去來
苧蘿生碧煙

啄木

啄木啄啄鳴林響
壑貪心既緣利
嘴斯鑿有朽百尺微
蟲斯宅以啄去害
啄更彌劇層崖
豫章聳幹蒼蒼無縱
爾啄摧我棟梁

靈松歌

靈松靈松是何根株盤擗枝幹與羣木殊世眼爭知蒼
翠容薜蘿遮體深朦朧先秋瑟瑟生谷風青陰倒卓寒
潭中八月天威行肅殺萬木雕零向霜雪唯有此松高
下枝一枝枝在無摧折癡凍頑冰如鐵堅重重鎖到槎
牙顛老鱗枯節相把捉踉蹌立在青崖前有時深洞興
雷電飛電繞身光閃爍乍似蒼龍驚起時撥霧穿雲欲
騰躍夜深山月照高枝踈影細落莓苔磯千年朽枿魁

題出一株寒韻鏘琉璃安得良工妙圖腹寓將偃蹇懸
煙閣飛瀑聲中戰歲寒紅霞影裏擎蕭索

蠹

蠹不自蠹而蠹於木蠹極木心以豐爾腹偶或成之胡
為勗人人而不真由爾亂神蠹兮蠹兮可全其生無託
爾形霜松雪檉

行路難

行路難君好看驚波不在黠黠間小人心裏藏崩湍七

盤九折寒嵩峯翻車倒蓋猶堪出未似是非唇舌危閣
中潛毀平人骨君不見楚靈均千古沉寃湘水濱又不
見李太白一朝却作江南客

謝徽上人見惠二龍障子以短歌酬之

我見蘇州崑山金城中金城柱上有二龍老僧相傳道
是僧繇手尋常入海共龍鬪又聞蜀國王局觀有孫遇
跡盤屈身長八十尺遊人爭看不敢近頭覬寒泉萬丈
碧近有五羊徽上人閑工小筆得意新畫龍不誇頭角

及鬚鱗只求筋骨與精神
徽上人真藝者惠我雙龍不
言價等閑不敢將懸掛
恐似葉公好假龍及見真龍却

驚怕

送人往長沙

荆門歸路指湖南
千里風帆興可諧
好聽鷓鴣啼雨處
木蘭舟晚泊春潭

偶題

時事懶言多忌諱
野吟無主苦縱橫
君看三百篇章首

何處分明著姓名

寄山中叟

清泉碧樹夏風涼
紫蕨紅粳午爨香
應笑晨持一盃苦
腥羶市裏叫家常

贈琴客

曾攜五老峯前過
幾向雙松石上彈
此境此聲誰更愛
掀天羯鼓滿長安

勉吟僧

千途萬轍亂真源
白晝勞形夜斷魂
忍着袈裟把名紙
學他低折五侯門

送人歸華下

蓮花峯翠濕凝秋
舊業園林在下頭
好束詩書且歸去
而今不愛事風流

夏日城中作二首

三面僧隣一面牆
更無風路可吹涼
他年捨此歸何處
青壁紅霞裹石房

竹低莎淺雨濛濛
小檻幽窓暑月中
有境牽懷人不會
東林門外翠橫空

默坐

燈引飛蛾拂焰迷
露淋栖鶴壓枝低
冥心坐睡蒲團穩
夢到天台過剡溪

水邊行

身着袈裟手杖藤
水邊行止不妨僧
禽栖日落猶孤立
隔浪秋山千萬層

寄鄭谷郎中

人間近遇風騷匠
鳥外曾逢心印師
除此二門無別妙
水邊松下獨尋思

翡翠

水邊飛去青難辨
竹裏歸來色一般
磨吻鷹鷂莫相害
白鷗鴻鶴滿沙灘

與節供奉大德遊京口寺留題

柳岸晴緣十里來
水邊精舍絕塵埃
煮茶嘗橘興何極

直至殘陽未欲迴

謝荆幕孫郎中見示樂府歌集二十八字

長吉才狂太白顛二公文陣勢橫前誰言後代無高手
奪得秦皇鞭鬼鞭

謝陰符經

事遂鼎湖遺劍履時來渭水擲魚竿欲知賢聖存亡道
自向心機反覆看

勉送藏休上人

一林霜雪未霑頭爭遣藏休肯便休學盡世間難學事
始堪隨處任虛舟

幽齋偶作

幽院纔容箇小庭踈篁低短不堪情春來猶賴隣僧樹
時引流鶯送好聲

贈念法華經僧

萬境心隨一念平紅芙蓉折愛河清持經功力能如是
任駕白牛安穩行

對菊

無艷無妖別有香
栽多不為待重陽
莫嫌醒眼相看過
却是真心愛澹黃

閉門

正是閉時爭合閉
大家開處不須開
還防朗月清風夜
有箇詩人相訪來

勉送吳國三五新戒歸

法王遺制付仁王
難得難持劫數長
努力只須堅守護

三千八萬是垣牆

夏日寄清溪道者

老病不能求藥餌
朝昏祇是但焚燒
不知誰為收灰骨
累石栽松傍寺橋

送惠空北遊

君向峴山遊聖境
我將何以記多才
丁寧墮淚碑前過
寫取斯文寄我來

寄懷歸州馬判官

三年為倅興何長歸計應多事少忙又見秋風霜裊樹
滿山椒熟水雲香

觀荷葉露珠

霏微曉露成珠顯宛轉田田未有風任罷方圓性終在
不妨翻覆落池中

苦熱懷玉泉寺寄仁上人

火雲如燒接蒼梧原野煙連大澤枯謾費葛衫葵扇力
爭禁泉石潤肌膚

觀盆池白蓮

素萼金英歎露開倚風凝立獨徘徊
思澗灑池底更有歸天伴侶來

折楊柳詞四首

鳳樓高映綠陰陰凝重多含雨露深
莫謂一枝柔軟力幾曾牽破別離心

館娃宮畔響廊前依託吳王養翠煙
劍去國亡臺殿毀却隨紅樹噪秋蟬

金月巴屋
卷十
穠低似中陶潛酒軟極如傷宋玉風多謝將軍遠營種
翠中閑卓戰旗紅

高僧愛惜遮江寺遊子傷殘露野橋爭似著行垂上苑
碧桃紅杏對搖搖

答長沙丁秀才書

月月便車奔帝闕年年貢士過荆臺如何三度槐花落
未見故人携卷來

戒小師

不肯吟詩不聽經
禪宗異岳懶遊行
他年白首當人問
將底言談對後生

題舊拄杖

親採匡廬瀑布西
層崖懸壁更安梯
携行三十年吟伴
未有詩人

闕

酬歐陽秀才卷

三十篇多十九章
聲風力撼踈篁
不堪更有精搜處

闕

誰見蕭蕭雨夜堂

聞鴈

瀟湘浦暖全迷鶴
邈迤川寒祇有鷗
誰向孤舟憶兄弟
坐看連雁度橫橋

送高麗二僧南遊

日邊鄉井別年深
中國靈蹤欲徧尋
何處名山逢長老
分明認取祖師心

謝猿皮

貴向獵師家買得
携來乞與坐禪床
不知摘月秋潭畔

曾對何人啼斷腸

酬光上人

禪言難後到詩言坐石心
同立月魂應記前秋會
吟處五更猶在老松根

送僧歸日本

日東來向日西遊
一鉢閑尋遍九州
却憶雞林本師寺
欲歸還待海風秋

庚午歲十五夜對月

海澄空碧正團圓吟想玄宗此夜寒玉兔有情應記得
西邊不見舊長安

齊已俗名胡得生性喜吟頸有瘤人戲呼為詩
囊跡不入王侯門惟醉心於鄭都官投詩謁之
云高名喧省闈雅頌出吾唐疊嶽供秋望無雲
到夕陽自封修藥院別下著僧床幾夢中朝事
久離鵝鷺行谷覽之云請改一字方可相見經
數日再謁稱已改得云別掃著僧床谷嘉賞結

為詩友既因後唐明宗太子從榮招入中秋大
讌已公窺從榮懷不軌有東林莫碍漸高勢四
海正看當午時之句幾被戮辱賴荆帥高公匿
而獲免其不屈節王公詩寓諷刺往往如此後
同慧寂仰山禪師住豫章觀音院總轄庶務作
粥疏曰粥名良藥佛所贊揚義冠三檀功標十
利更祈英哲各遂願心既備清晨永資白業此
疏堪與食時五觀並傳惜未有揭示學人者其

後居西山金鼓示寂塔存焉龍盤乃其書堂云
虞山毛晉識

贊寧作唐三高僧傳未甚詳覈余各就其詩句
拈出數字如休公云得句先呈佛無人知此心
畫公云不因尋長者無事到人間已公云未曾
將一字容易謁諸侯道價詩聲和盤托出可作
三公自傳余先得杼山禪月未遘白蓮丙寅春
杪再過雲間康孟修內父東梵川值藤花初放

纏絡松杉間如入山谷皆內父少年手植也不
勝人琴之感既登閣禮佛閣為紫栢尊者休夏
之地破窓風雨散帙狼籍搜得紫栢手書梵川
紀畧一幅末贅一絕云只因地僻無人到更為
池清有月來惱殺藤花能抱樹枝枝都向半天
開儼然拈出眼前景相示又搜得白蓮集六卷
惜其未全忽從架上墮一破簾復得四卷咄咄
奇哉余夢想十年何意憑弔之餘忽從廢紙堆

中現出豈內父有靈遺余未曾有耶既知為紫
栢手授遺編早向未來際尋契余小子有深幸
焉晉又識

